

經部

大君司司 公子司 欽定四庫全書 易用 提要 前連江人陳第子也第所著毛詩古奇考屈 臣等謹案易用六卷明陳祖念撰祖念字修 韻學為大有功而所作伏義圖贊則支離穿 宋古音考發明引證一洗吳枝諸家之謬于 鏊一無可取祖念學不及其父而說易乃勝 易用 經部 易類

金贝四周百里 漢疏義于唐議論于宋日起而日變而易之 是而已傳曰精義入神以致用也利用安身 象玩詞動則觀變玩占聖人所以言易者如 用則隨時隨事可以自察是以君子居則觀 原序曰易理無窮非言之所能盡故傳注于 其父其書不載經文但每卦條論其義繫詞 諸傅則各標章目而詮釋之其每卦之論皆 逐支尋理務以切于人為主故名曰用前有 提要

Suld her latter 云乾隆四十六年三月恭校上 採互體之說盖其學于漢儒宋儒無所偏 具在于斯矣每卦之末率總論取象之義多 云云其序後半供脱不知誰作然一書大旨 事君亦無處而不當此則致用利用之義也 長之理進退存亡之道無所求而不得事父 熟讀而深玩之推于事而反于身則吉凶消 以崇德也朱文公言人能取易一 易用 一卦岩一爻 附

とこり見とうこ 纑 未可必而必之則固因吾意之偶開自謂得卦畫之成 之所為乎益易之理廣大而精微雖聖人猶難盡言之 盡故傳註于漢疏義于唐議論于宋日起而日變而易 千百世以上之言便謂義文周孔之意在是未可以也 易稱書不盡言言不盡意又曰知變化之道者其知神 易用原序 廷與陛及尺耳傳言且失旨由千百世之下而推著 則感惑與固君子不取也夫易理無窮非言之所能 易川

動好四月百書 占 悔 崇而身不安無所貴于精義入神矣善乎朱文公之言 也 之所以通乎易者亦如是而已傅云精義入神以致 能取易一 利用安身以崇他也不能致用則不能利用斯他 自天祐之吉無不利聖人所以言易者如是而已人 用則隨時隨事可以自察廸之則古逆之則凶憂虞 則古凶消長之理進退存亡之道無所求而不得事 各如響斯應是以君子居則觀象玩解動則觀變玩 卦若一久熟讀而深玩之推于事而反丁 用

人民口戶在時 真博識宏才贯穿今古著關 陳君易用之所由著也君一齊先生長子先生港他孫 漢世名儒史稱其善解易精習經學可為師法然而 貨財窮奢侈疏彭宣而瞪戴崇不能因災變以杜微漸 父事君亦無處而不當此則致用利用之義也張子文 也讀易而失易之用古今同嘅宣獨一 假經術以感主聽附下問上不知所習者何卦之久 易用 子文哉此余友 殖

				金月日五月十
				原序
		The same of the sa		

)謂亨自其惠益無所不被之謂利自其恒確無所以故自其普遍無所不包之謂元自其則暢無所不 也 此卦上 莫如天萬古此動萬古此不息一健而 易用 一下中乾故乾之名不易健之至 陳祖念 撰

神四言之足以舉其概然是四德也天有之地有之人 兼可以混言元中有亨利貞事中有利貞元利中有貞 相 奪而那有謂之小人六十四卦聖人設之以教人全此 元亨貞中有元亨利也盖乾之為妙累言之不足盡其 亦有之安此之謂聖勉此之謂賢不純不徧謂之常, 四德者也不惟人有之物亦有之物之元亨利貞待天 不正之謂貞是元亨利貞也合之則為一分之則為四 根可以序言元而亨亨而利利而貞貞而復元也相

金石正屋有電

卷

地之元亨利貞以生成待聖人之元亨利貞以裁制者 然者不亦誣乎夫六合之外聖人所不知故不言六合 世交述之若身履六合之外而親見天地之依附軀殼 有曰天外更須有軀殼甚厚所以固此氣也之二言者 儒動論天地之外曰天依形地附氣天地自相依附 也噫文王知天矣其繁乾四德人人可得而見也乃宋 求知聖人之所知而求知聖人之所不知亦感矣哉近 之内聖人所真知故詳言觀於六十四卦可見矣今不 易用

人とりをから 扇

得中君臣之正位也故曰利見推之諸卦意可識矣 驗之天之數聖人以算窮之天之理聖人以易究之天 之終故曰亢三下之上故曰厲四上之下故曰或二五 乾之六位備六十三卦之位例初卦之始故曰潛上卦 鄭康成純用四徳王輔嗣純用大通宜正程傳於乾坤 之所閥人無術以知之旨哉言矣 或問元亨利貞四德也今解為大通宜正之說可乎曰

金万四四百十

M

世劉伯温曰天之行聖人以歷紀之天之象聖人以器

道屢逐不可以一端泥如屯隨臨无安革皆有元亨利 一次足刀東全事 一門 從康成於他卦從輔嗣本義則純用輔嗣愚謂大有獨 于周易曰隨元亨利貞无咎元體之長也亨嘉之會也 之八史曰是謂艮之隨隨其出也君必速出姜曰亡是 或問左傅襄公九年穆姜薨于東宮始往而筮之遇艮 貞四字讀者當深思之不得廢四德之義矣 云元亨大肚獨云利貞同人云利君子貞明夷云利慰 頁家人云利女貞之類大通宜正之說不可易失然易 易用

文言亦引之與又昭公十二年子服惠伯論南蒯之筮 移姜之死十有餘歲何其言之符合也曰自洪荒以至 春秋更神聖多矣至語嘉言流播人間豈穆姜引之而 乎必死于此弗得出矣今文言大與此同孔子之生後 **德者隨而无咎我皆無之豈隨也哉我則取惡能无咎** 禮利物足以和義貞固足以幹事然固不可該也有四 日黄中之色也蒙下之飾也元善之長也益徵為古語 利義之和也貞事之幹也體仁足以長人嘉徳足以合 大きりあたけ 子乾乾有元亨利貞坤亦有元亨利貞其徳同其所 言語作為穆姜之言豈其然乎嗟夫言從心生人之心 此章之為古語也此言審矣新安胡廷芳謂左氏本文 坤順也上下皆坤順之至也故坤之名不易地徳也配 矣本義曰下文別以子曰表孔子之詞蓋傳者欲以明 經常在 買坤 天地之心也故嘗曰道途花草靈樂常存里巷諺謡聖 易用

用先矣又必陰方以求陰非陰孰助陽乎體陰之君子 主臣主子主妻故不得不别而詳之也體乾之君子利 分 乾坤合德則萬物生成萬物生成 總乾坤之德孰從而 馬沢馬而曰北尤其順也北必從壮猶坤必從乾也大 |為徳則異何也乾健坤順也龍行于天故以象乾馬行 先則述後得主矣利矣又必往西南陽方不可往東北 于地故以象坤盖順伏于人引重致遠惟所驅策莫如 别之然作易者以乾主倡主君主父主夫以坤主随

一變之可乎愚謂儒者不察天地之大勢而信口耳以為 とこうえんけ ·詞也試以天地觀之北方多寒陰方也南方多暑陽方 一師一人倡之千人和之盖求其解而不得故強而為之 卦傳曰聖人南面而聽天下禮曰南方者夏夏之為言 從古以來儒者解易皆以西南為陰方東北為陽方今 陰方盖西南朋必得東北朋必喪矣夫後而得主西南 也萬古此天地孰能易之老子曰天地負陰而抱陽說 而求陽坤之貞也君子一意而安於貞不亦吉乎或問 易用 Ŀ

西方四月全書 說乎曰儒者之變易天地正以朋之一字誤之也夫朋 假也北方者冬冬之為言藏也是南北分陰陽從剖判 之為義同門曰朋兩貝曰朋謂其類也陽以陰為類陰 于北回東北舉陰之終始言之也或問得朋喪朋何以 而盛于南曰西南舉陽之終始言之也陰東于東而盛 方北為陰方信矣此曰西南曰東北何也曰陽泉于西 以陽為類此天地君臣父子夫妻之所以相得也若陽 以來不易矣今欲解易而變亂天地可乎或問南為陽

次定四車全書 一 |到之无咎失上下也故通乎睽革之說則朋之義可知 大之而後可觀于联革之象傳剝之及傳意可識矣革 敢先矣惟後而得主矣然則終于後乎終于无所主乎 通乎剥之說則喪之義可知矣故體坤君子既後而不 事類也剝之六三剝衆陰以從陽及曰剝之无各傳曰 天地睽而其事同也男女睽而其志通也萬物睽而其 曰二女同居其志不相得睽曰二女同居其志不同行 與陽類陰與陰類似朋實非何以成生育之功乎故必 易用

故曰西南得朋東方良震北方乾坎二方皆陽與坤非 後得主後得主即牝馬之貞非有二也 得朋乃與類行即联之志通事類也東北喪朋乃終有 愚按崔憬曰西方坤充南方異離二方皆陰與坤同類 也喪者捨之也如二女之相去各從其男也傳曰西南 故教之西南得朋東北喪朋得者依之也如女之從男 曰終意至明矣蓋東北喪朋即西南得朋西南得朋即 慶慶者陰陽相親也不去其似朋安得其真朋乎曰慶

台ラロールイニー

南得朋陽起于子至寅三陽喪坤一 陽離喪其朋類乃能成化育之功而有安貞之吉是二 喪朋前慈明曰陰起于午至申三陰得坤一體故曰 得朋孟春之月陽氣始著陰始從陽失其黨類故東北 長曰孟秋之月陰氣始著而坤之位同類相得故西南 言者似知得喪從陽之義而不知南北陰陽之方馬季 類故曰東北喪朋以喻在室得朋循迷于失道出嫁喪 乃順而得常程正叔曰西南陰方東北陽方陰必從 體故東北喪朋吳 西

人とり事をする

易用

為得朋出而從竟震良坎三男同居故喪朋夫以坤為 為喪朋是三說者匠意師心无所證據穿鑿不經之談 金次口匠 也近世熊叔仁云西南坤本鄉與名離吳三女同居是 六三二陰相比近故為得朋初六上六二陰相間遠故 以三女同居為得朋三男同居為喪朋是不惟不知其 方且不知得喪之義矣嗟夫聖經不明各任其臆遂至 西南本自後天卦位後天卦位附會說卦已不足據況 幼清口凡卦之位四為西三為南初為東上為北六 四

蒙元吉文言以君子贊之與乾九五大異乾九五爻曰 赞為美之至也未當明言其為君干實曰陰登于五录 之以俟後聖 翻天地之陰陽反男女之倫類可悲也已不得不一言 物睹曰上治也曰乃位乎天德今坤六五曰黃裳文言 六爻之義備在文言初二三四上至明悉矣獨六五黃 人工日日日日 居尊位若成的之主周霍之臣也程傳曰坤為臣五實 大人傳曰首出庶物曰大人造也文言曰聖人作而萬 易周

金分四屋台書 司服掌王后六服四曰鞠服注謂黃衣也詩緑衣黃裳 戴坤盖合二卦而取象乾為上衣坤為下裳也問官內 本無貶詞程傳未必然矣焦弱侯曰大傳垂衣裳取請 臣居等位界养是也婦居等位女妈武氏是也夫文言 **等位故為之戒曰黄蒙元吉又曰陰者臣道也婦道也** 于后以存君位又嫌于敵乾故象下蒙示坤當下于乾 九五之配坤純陰嫌于言君又不可以臣當之故取象 緑衣喻妾黄裳喻夫人令繁黄裳于坤六五則知為乾

曹丕時許芝奏云易傳曰初六履霜陰始凝也其義甚 楊敬仲曰坤之至與乾之大非有與無所優为也 含孔光大謂其愈也含蓄于地中者甚弘其關也光輝 戶已日本 AB 卦外故曰戰于野 通然後漢魯恭上疏引有堅氷二字豈其時已有加之 者那坤為文故有含章之象坤體虚容物有囊象上在 于地上者甚大故萬品之物咸遂其生矣 也聖人謹于位分之辨如此 易用

題电 所以配方曰裳所以配衣王后位坤六五其說是也 按左傳子服惠伯曰黄中之色也裳下之飾也夫曰黄 为四座看書

之勾萌未舒雷電之鬱蒸未雨皆為屯在人則為天地

開創之初名分未定政教未行事物紛紅之始也濟屯

在人弘濟在德必有乾之四德而後可耳未可輕動其

建焦乎盖擾攘之初无主乃亂因人心之思主建才

屯未達也為卦震下坎上動而遇險屯之象也夫物生

徳以為侯大以統大小以統小民心有屬而不浜散為 夫屯之時不可有攸往非人之才力弗堪勢不可也不 大きりちから 秋傳班馬之聲是也夫也遭之時非得同心不能獨任 正矣二屯如遭如來馬班如夫乘馬欲往班馬後歸春 次第而可施利莫大馬者也 故初磐桓居貞不往也利建侯足象之義也以其剛得 虞五屯膏可以觀世矣其當日之妙用於諸爻雜見之 可而往部能益乎故初磐桓二四上皆乗馬班如三无 も用

冠而字皆敬其名故言字則許嫁矣六三不中正上无 金少世上人 六四柔正下應獨賢求婚構而往吉无不利也九五中 正應是即應无虞能得應乎不如舍之為見幾而免各 如女子守貞不字十年乃字禮女子許嫁符而字男子 婚構急矣如強暴何強暴多而婚媾寡時之所以也也 六二柔而得正故能隱忍以待時時極則變婚媾斯通 澤未徧有屯膏之象夫屯膏時也濟時道也故小心敬 正處等人之所望以亨屯者也然在險中時方艱難壹

文とり事を与り 則雲化為雨盈滿兩間孰不沾足天造草昧物莫遂生 善欲嘉會欲貞固何以利物乎建侯而已故雷動之迅 侯聯民也婚構協力也知幾審勢也小心東謙也屯其 慎則貞而吉若尊大自處雖貞亦凶貞者行正之謂欲 以普其膏也吉山有異敬肆之道别也上六處屯之上 剛柔始交震也難生坎也震動坎險為動乎險中欲元 可亨乎 百不自由泣血而已亦時危而才志弱乎合而觀之建 讀法小讀貞吉向大讀貞凶 易月 句

媾而行明于物理 也指震震為蕃昧不明也指坎坎水外暗 屯繼乾坤之後震長子也勿用取坎建侯取震草不 无媾漫往以急功之念殷也故无虞不待暗于事機得 于十年之後終復其常无虞即鹿以從禽之心勝也猶 不可以輕建故傳屬之初二乗初九之剛始見有寇字 宜急于建侯而不遑寧處也非謂建侯之外又不寧矣 居貞非忘世欲行正而未可故傳發其志建侯以理民 郭子和曰坎

金グロガノー

蒙雅而未通也為卦坎下艮上過坎而止蒙之象也於 震陽居陰下故曰以貴下賤震馬作足坎為寇盜二五 在上為雲故雲雷屯坎在下為雨故雷雨解陽貴陰賤 人為渾沌未開愚昧弗靈而性天之聰明奏倫之真識 勞卦故不寧或曰不寧言寧也求而往之外稱往 也互艮土 震竹為林中坎為雨曰膏坎血卦故曰血坎 人とりしたいかり 正應故曰婚媾十年互坤之數或曰震有應象以驚走 蒙蒙 易用

童家童蒙求我夫不求我者不必言矣蒙來求我即可 覺之人以佐君者也師不往教蒙必來學故曰匪我求 金グロアクラ 静俱陳詞象可占矣即率而由之如臨 師保是初益者 欲 具在也有所以導之則蒙者通矣故曰蒙亨夫物之屯 也必藉君物之蒙也必藉師師者何天地所生先知先 以告之乎曰未也誠可告而疑不可告也何者凡人之 撰着以叩神欲知吉凶以趙避猶學者之就師以請問 知腻否以從違也今筮者四營成易十八變成卦動 ١

火毛可奉在馬 一 匪正水以多歧迷源學以多方喪生何貴乎故曰利貞 物我之告蒙者何物性天之明異倫之識正道也若其 判矣故曰初筮告再三價價則不告且蒙之求我者何 然而不告非不欲告不可告也疑與我相持問與行相 志愈感其精愈散矣是慢神也神則不告告亦無益矣 與言相推也蒙之問若人之再筮三筮則瀆矣瀆則點 故蒙之問若人之初益則欣然而告之告與問相入行 也誠也乃神告如您而中心懷疑復再筮馬三筮馬其 易用

教刑用刑人利也初陰柔弱乃說去桎梏自此以往習 夫師主教也教之道何尚子尚子寬嚴得中成其智賢 求而應誠而告告而正蒙有不亨者子 與性成不可為矣盖桎梏非他東之教也彼徒知敷教 之初發蒙者也夫發蒙在開其始開始在嚴其防扑作 而不棄其愚不肖也於初二上三爻見之矣初六在蒙 而不變者既失問于其始乃忽疾于其終上陽剛猛 在寬不知爱克厥威罔功矣上九在蒙之極紫有怙終 ロールノニード P 卷

教者莫如婦人詩曰匪教匪誨時惟婦寺而亦納而教 欠との日から 之欲曲以成之也夫造乎才俊而矜其不能繼往開來 之因人而為成德達才矣中有難教者棄之可乎夫難 師嚴道等而不知其施之者悖也九二陽剛得中有應 者以威擊之是與禦宠也為寇不利樂寇利矣彼盖知 于上任覺世之責者也有教無類故舉天下而包羅教 治督責不遺餘力是擊蒙也然蒙有不同其資禀庸下 无邪心者以威擊之是與為寇也其淫用匪뤓有邪心 易用

矣六三不中正居險之極盖順獲充油不足教之士也 甘于下愚亦不濫而底于喪節也於三四五三文見之 夫弟子主學也學之道何尚乎尚夫專心致志不畫而 金分四人有電 見躬往无所利其可娶乎士而女醜其可教乎六四柔 猶之女然不可娶者夫貞女見躬不見金淫女見金不 而不中居止之下盖自暴自棄之士也所謂蒙之因而 而幹家豈有二乎 之責也以是而報命于上猶子之克家矣臣而體國子

次足可載 自動 山下出泉涓流未暢蒙之象也然放海不可禦者此水 亨以可通之道行之故事以教者之時中也時不後不 内險則居不能安外止則行不能達蒙之象也蒙而曰 為聰明睿知不作以道為睿知師臣者帝治平可知故 損惟二之聽有童家之象夫五非童也聰明不用以師 先當可也中非難非易適中也 曰吉以是而學其希聖希天者乎 不學者各可知矣六五柔中處尊下應九二是冲虚挹 易用 **十** 

|治天不可測者此水故果行象其莫禦育德象其莫測 交為女有取女象艮為少男有童象坎為盜故曰冠九 象虞翻曰坎為穿木互震為足艮為手故曰枉枯三陰 剛柔接謂君臣相際也行不順謂逐外忘內也遠實謂 金万里石有一 或曰果行象泉之出育徳象山之深坎為法律有刑 之德矣冠害也以剛而禦蒙之寇是上之順蒙者因是 去陽之遠此爻外意順謂惟道是從又異以人之日新 而自去其寇是下之順

二之所教皆陰有納婦之象

三需

需待也為卦乾下坎上險在于前需之象也夫人于未


可有為固必從容以待然待必實有也實有道德可以


人というという 有孚果有孚而待將名顯而道通也故曰光亨使猶未 涉大川光者物之神盖出於形器之表 也又必固守不變則吉以是而待時至事濟矣故曰利 俟時實有經綸可以俟勢如无有而待妄而已矣故曰 易用

夫血者陰陽相傷之微穴者物所安之壑也四需血矣 自該也郊沙不善亦泥而且血泥血而善何遊于郊 所處之位而言非人之所能為也初陽得正故以用 處為善敗需之理也初宸遠于坎故需于郊二漸近 夫寓險者以險之遠近為吉凶需之勢也亦以人之 戒之二陽得中故以然吉慰之三陽不中故以致冠危 之四陰得正故以出穴許之此人乏所為不得以位 于沙三霞近故于泥四入除矣故于血郊沙泥血自 恒 故 沙

金少世五人

盡之矣此下 欠己の行合的一回 以柔順得之也需之貴于用柔也如此傳曰順以聽命 而能出穴以避之不敢懷安而身名不害處險家善皆 易用





具天下往往有此事昔盗入韓魏公卧內公日取吾頭 客之來豈當實主之正位然能敬不能無失或免大失 忽通于其例計无所施獨籍乎敬盖逆之則无遺類敬 故不得不需今日入穴險豈在前乎災忽臨乎其後強 待也除在前也日郊日沙口泥皆有除在前明見其除 以去知此義矣聖人發此于需所以前民者周矣哉 四需于變者也上六不需之需不測之變者也何者需 種其萬一此亦不得已之微權也傳雖不當位謂暴

自りロ

|宴樂以養陰象乾互允為口舌故小有言坎為盜曰冠 というるとかう 大川坎東利沙乾知阻也項平前日飲食以養陽象坎 中熟制之乎或曰飲食象坎水之潤宴樂象乾體之健 時心无外親需莫切于此者故借以言需謂優游以待 思為主與享訓恭儉以禮為主者不同故飲食煎樂之 必飲食宴樂何也盖酒為數伯食惟忘憂燕示慈惠以 以中正也中正有孚貞之義光亨吉在其中矣夫需而 非荒淫也易于坎多言酒食酒食亦陷人之事非剛 易用

金分四四分書 块上下兩偶象穴坎水為酒互名為食三人謂三乾

訟争也為卦坎下乾上以險遇健訟之象也夫人與人 訟

相親惟弘為不美訟得已乎必有多必室必惕必中乃

室不惕不中之謂也

資其聽斷不利涉大川冒乎險阻冒乎險阻即不孚不

可已而即已也若終極其事凶也必矣又必利見大人

吉夫孚不欺室不達惕不競中不過皆不得已而訟茍

者乎 災豈止于言乎上九以剛居上訟而不止者也即幸而 7.7.19 1.A.S. 訟上之罪難追也九二本食禄之家有邑三百户者也 直則不克不克雖均其完異致何者訟下之愆易解而 夫人之與訟皆自以為必克不知勢不敵則不克理不 錫之鞶帶旋即有奪之者矣況與情所惡夫孰有與之 柔居下部而不永者也即小有言以吉終矣使其永之 夫不訟其上也訟而知止次也訟而極之禍矣初六以 易用

終亦吉道矣盖命之不行自上犯之使其怙終叛命 有位之臣守大君之命令者也以剛不中遂與初訟因 金片四月全書 思復而就君之命思變而安理之常雖失于始幸收于 **情之情者四面削其地也亡命喪邑何利之有九四本** 直是必不可勝之數也於是懼而歸歸而通負罪潛匿 其弱而侵凌以其暖而狎侮此必有不忍之心也於是 以刚居險遂與五訟或徵賦而爭多寡或論事而争曲 以身塞责其邑人三百户僅可無眚周禮憑弱犯寡則

能免乎 當訟之世人皆以好爭為能君子獨以不爭自處六三 とこうほから 力争若六三者吾知免矣襄公二 迹无疵公私不伐可以風訟之世乎或問王事有爭何 事不得已而有爭亦務存謙順不以成自居也此其心 剛勢為難處然貞以幹事鴈以存心必終吉矣或因王 外柔內刚安其素履是食舊德不與世競者也承乗皆 也日晉权向與子朱爭修成之事師曠曰臣不心競而 歸而逋向象傳甚明 易用 千二

有子室陽陷于陰也惕中古坎為加憂國 謂從逐來朱義因之入淵坎在下也坎為隱伏故曰逋 中而不正故室而不光惕而不亨剛來虞翻范長生皆 坎中實為字需上坎五中正居尊故云光亨訟下坎 剛來俞玉吾以需倒體言剛有字室 也故曰元吉 三文為三百户下大夫制猶駢邑三百云爾三文為三 九五中正居尊德耀所及人皆丕變所云使民无訟者

多分四月全書

師兵也為卦坎下坤上以一陽而統五陰用兵之象也 褫或曰互離為腹為革有聲帶東

というし とかり

夫行師之道有將兵者有將將者將兵者兵之耳目將

易川

將則功成而吉民不怨而无咎丈人子夏傳作大人

統在一人國之安危係馬必擇其才德足以長人者為

非為暴也故民非殃民也則師出有名矣然三軍之衆

夫兵者不祥之器不得已而用之故必以正為尚伐暴

多分巴西 有電 能以象正謂聯士卒為一心通上下為一意則王者之 五上言將將也玩師之卦武經七書可无讀矣 舍此亦必不可闕者也爻備之矣初二三四言將兵也 必不可關者也將將者必慎與我察賢否酬膚功定用 之道馬故將兵者必明節制合恩威一事權酌進退此 天下之事莫難於用兵懸權而動不可預設然有經常 将者將之腹心故不善將兵等之无兵不善將將等之 无将此王者所必講也

欠足可見 上門 謂行險而順已具此義矣 即所以畜養吾兵有事無事雖有異勢阡陌行伍非 之與不无傷財害民然而民心從之者以其義動也愚 其質是也陸德明訓役馬季良訓治程傳訓害謂師旅 不見水兵隱于農見農而不見兵故取為象容保吾民 地下之潤者皆水國中之耕者皆兵水藏於地見地而 畜作大毒小毒老子亭之毒之注亭以品其形毒以成 師戰勝攻取特其餘事耳毒古與育同歸藏易大畜小 り川 11-有

訓主左次程傳曰退舍是也盖以衆為政敗道也知 金ケロルろう 程傳云衆主是也與論與人古皆訓衆誰其尸之詩亦 将之所以成功懷萬邦本君之所以任将王道哉與 弗專耳故文云吉无咎又云王三錫命傳曰承天龍本 律者坐作進退步伐止齊之法師出以律武之善經失 異人此古道也後世必不能行不可行矣 動静謀斷寬猛而言將之純品也惟權思中制任患 則凶失律即否滅也用師雖貴剛而尤貴中中兼 老 勇

足色日草 台馬 義末其已胙之國復使之相承爰及苗裔之意故曰開 水民衆之象地容畜之象坎為刑律自五之二思三位 國承家國有公侯伯子男之等則功别矣小人勿用不 禽互震為長子坤為土有國家象 故稱三錫六三坎體加憂故多疑用人不一也坎豕為 而退常則也利執言謂得執以為解郭京改言為之意 人不可與政光武既定天下惟用鄧禹耿弇知此義矣 與之為政也盖擾攘開創小人皆得似功太平圖治小 月 弱侯曰古禽獸皆

比親輔也為卦坤下坎上九五一陽五陰皆附之比之 稱禽 xt

金大四五月言

趃

必再益以自審果有元永貞之三徳乃可比人而无咎

又必乾傷于心不致自寧則萬方皆來附之矣如是而

有後夫是怙終而逆命王法所必誅也故曰後夫

凶人而我輔則吉然无德則人不比自泰則人不比故

也夫天立君以為民君有民以自立故人而我限則

久とり長からり 然孤立皓首何歸乎 同惡異悉邪也邪則邪人比之非邪人則无與比矣子 誠則始合終離匪正則失人失已匪顯則植黨匿心好 欲誠欲正欲顯自天子以至庶人一皆以三者為本匪 外 其誠故曰初益省已欲其審故曰原筮趣味為美 **鳥獸不可與同羣人豈能離人乎故內則有族黨姻親** 原再也禮之原廟原蠶左氏傳之原田皆訓再求師 則有邦國交與君則有百官兆民皆比也相比之道 易周 --

各可知矣傳曰不亦傷乎謂有損也六四外卦所比 為貞耳六三當內外之際位失中正所比皆非其人山 傳曰不自失也盖親近相比斷義為難故必不自失乃 誠耳六二內卦所比族黨姻親也履得中正能自故吉 比之初六有他古也曰比曰初六見初心未喪易以積 患不積使積誠而至于充滿若盈丘然則其然也有他 古矣盖不誠雖無他者未孚至誠即有他者亦格傳曰 初六比人之始而有孚信則无咎矣然人非難比而誠

金万四五百十

卷一

CALLY DE COMO IN 禽獸不屑屑于誠邑人此至誠至公之道億兆所歸 得見其心也猶之天子之畋用三驅之法不汲沒于得 有所弗設顯然示人而已矣盖以心照天下而天下 也天下所比剛健中正以顯而比智巧有所弗用機械 所以從上上勝已者也比失其賢不墜下乎九五大君 賢以從上也謂內比則親親外比則賢賢也比得其賢 國交與也履得其位能自故吉猶之二也傳曰外比于 也故曰吉傳發其意謂惟舍逆取順所以失前禽此前 易用 ニナバ

動分四屆全書 天下之相比无間者莫過于水與地故建國以聯民親 以剛居中斯有元永貞之三徳上不寧而下方來是上 之則為无終 終朱義曰以上下之象言之則為无首以終始之象言 人莫與比為比之无首人而无比何以得終故曰无所 禽之罪非王者之過所失至少所得至多邑人不誠盖 下應也 一以中使之中何待誠乎上六當卦之首首則亢亢則

ところいう!! 傷坤與之象自五至二思三文故曰三驅 小畜小養大也為卦乾下吳上吳陰小乾陽大小畜之 而流王應麟口蒙之剛中陽在下卦初筮得之也比之 侯以親民與水地何異子夏傳曰地得水而柔水得, 故曰方來虞翻曰水性流動故不寧坤陰為方上下應 剛中陽在上卦再筮得之也或曰坎勞卦故不寧坤方 故方來後夫指上六謂後于五坎為水故取缶驅坎馬 ≅小畜 見用

多分四月全書 頗難亦為吉道三過于二牽又甚 美牽之彌甚復之彌 復復必貴早初九得位居初復之早也何其各子二過 之則无不善也謂之自道一有不善則離道矣離必贵 西郊 象在人則為恭順之主所畜未徧于四方也夫有所畜 于初復之不早為物牽矣以有剛德也牽而復之用力 其道行矣故亨然道循未大行也故曰密雲不雨自我 下三爻言畜已之道畜已何道也人處倫物本有天然

更足り<br />
巨い<br />
巨い<br />
に<br />
い<br />
に<br /> 權以行之孰不畏威而懷徳乎上九在卦之極畜道 九五大君畜臣者也今中正處尊德位並隆誠以固之 之所至入金石蹈水火可耳血且去惕且出又何咎乎 上三爻言畜人之道六四大臣畜君者也以臣畜君以 與為與已傷而說其輻如是則善惡交爭義利並關有 下畜上危道也懼道也今履得其正能以至誠字之 夫妻反目之象即能旋復亦有危厲如其不然迷復凶 易用

子必慎守不可征也盖畜道已成天下皆願以為君天 抗天子故婦必貞厲固而惕也月必幾望不可望也君 月為君子妻不可以抗夫月不可以抗日君子不可以 之所喜尊君者之所懼也懼之如何上猶臣位為妻為 也詩脈聲載路滿之謂也高而至是其亨大矣爱民者 則既處始自西郊今則滿盈故曰尚德載尚上也載滿 卦之上積累深矣故始之密雲今則既雨始之尚往今 金片口尼台言 矣何以言之盖四畜之主也猶在上卦之下今進于上

天澤大義聖人欲以一身維之故曰征凶意深哉愚按 CALIDED LINES 養子是以小養大也故小畜然是柔也豈偏于柔乎卦 五陽皆應之應志應也卦惟一柔泉剛安得不賴之以 柔得位柔者藏柔懿恭之主而得諸侯大臣之位上下 豫為之解也以服事殷之心干古如見矣 文王繁易于美里曰密雲不雨循有憫民之心其當日 之辭也然而逆知周德之必遍故曰尚德載君子征 命去留間不容髮不往則臣節常存往則改厥元子矣 妈用 凶

終累大徳 言詞之和婉皆德之文飾亦所以養德故曰 畜君子以懿文德懿者柔淑粹美之謂如威儀之温 盖雲聚而不往則久而雨矣今雲雖密猶往也安得 拂萬物而養之者也風行天上尚未下被于物故為 往 自我西郊施未大行矣柔雖 多分四月分量 才健而吳九五剛中而志得行乃亨之道曰密雲不 而散也雲來而聚則雨雲往而散則晴矣風所以 卷 指六四實指 文王往 細 行不 調 雨 披 雲 雨

家傅上下應之嘉詞也无有止之之意象文俱不言 || | 表日密雲不雨歌詞也爻曰既雨既處喜詞也盖雲以 **尺百日子子** 乎施於畜无當矣 傳有止健之說以六爻有止健義也債豕牿牛非止 反以養為義大畜亦然大畜家不家食吉食正養也象 既以為止乃強為之說謂初與二止而不進三與四爭 先儒讀畜為物六反故以止為義謂以一陰止五陽 不得進五上又助四畜乾不免鑿而支矣愚讀許六 易川 Ē ,健

至是疑于君矣又可往乎不往所以為文王往則為湯 故致邪正之交闘喻詞也疑即陰疑于陽之疑謂畜道 承久矣愚故揭之以告來世 文則口陰柔之畜剛非一朝一夕能成由積累而至可 氣不和陽尚往而上故不成雨是以不雨為幸矣于上 金好四月分言 不能正室謂不能齊家故致夫妻之反目猶不能修身 致雨雨以生物此人之所望於造化者今儒者解曰二 不戒乎是以既雨為城矣于聖人之旨何如也嗟夫相

武矣 實為富俞王吾曰畜極倒轉為履乾上紀下其澤自天 ていている しまり 降故為雨 多白眼為反目陰陽交爭必有血異為繩擊如之象陽 履践也為卦名下乾上以柔践剛之後履之象也在人 互離象帅為與三乾為夫四與長女為妻互離為目具 互名為雲吳風吹之為不雨懿取吳象德取乾象文取 履 易用

二乎哉 即其順逆知人之道縣其禍福知天之道矣天人豈有 欲適欲做欲斷欲旋不欲剛此順逆之軌禍福之門 戒懼常存憂虞自遠也 初九履得其位素履者也素者冲泊不華之謂往何咎 則為涉世之危機矣夫平夷易處危機寂難必涉危而 履者人之所行錯履多矣君子必慎其所履夫履欲淡 不危涉險而不險道乃通矣故曰履虎尾不咥人亨孟

**超**异四月全書

者也九五中正處尊德位並隆天下之事皆其所決明 自謂能視能履以是履危必凶矣彼以武人而欲有為 貞而古矣幽人者心遠於事在事而不累事窮達一也 九四位在大臣逼近至尊以剛居柔故知戒懼可保終 于大君非失之慢則失之凌其關權先較之流乎 六三爻柔位剛不中不正愚而自用者也故本財政也 故絲帛未加采色曰素廟廊常若山林曰幽 乎九二履得其中履道坦坦无入而不自得此幽人也

欠とりまたよう

易用

=+=

子曰知足不辱知止不殆其旋元吉之謂乎 其憩憩幾幾之心元吉可知矣其指上九詩曰君子所 知旋馬旋者反也極而能反是寵利功名之際而不變 榎小人所視書曰作善降之百祥視履考祥之謂乎老 厲可耳蘇子瞻所謂憂治世而危明主之意也 作有功者也然決斷之過恐失機宜故事必貞固必惕 上九居卦之上當履之成是位尊而功顯者也天下皆 其所履而考其福祥乃上九剛而能柔健而不息故

金ケロルノニー

富貴本不足以熟中貧賤本不足以咸中人先自亂耳 難皆有恬淡之心故无往而不自由也豈人所及知惟 獨行其願而已今解素位者曰素見在也見在富貴貧 獨行願即中庸之不願乎外君子於富貴貧賤夷狄患 素者淡也達人之心也初之素履即中庸之素位初之 虎之說謂時其飢餓達其怒心是矣大哉說道乎 乾至剛也說可以應之虎至猛也柔可以履之昔人養 則行富貴貧賤幾何不流于小人之歸乎

大下 Die Aiten 1月月

Ŧ

異幼清曰互離為虎外文明而中陰質也二互離之下 尾想想四多懼也夫與履乾名相易之卦夫履者在唇 明 而 自亂故外物皆魔不亂則外物皆適翹翘坦坦非二心 也翹翹而不坦坦傷於懼坦坦而不翹翹傷于縱皆有 折故日財政或日名為白虎四以上九為首四亦稱 不勉勉此可與通人道之 也非吾心也惟淡之乎淡之則无時而不坦坦无 而未融幽人之象六三居死之成互離目異股皆為 時

金罗巴尼石門

**三**春 泰泉以有位言否象以无位言有位則無善天下无位 而當夬位也

要馬而感格小人尤不可忽也初九剛正有應君子之 泰下三爻皆乾體治泰者也治泰之道進賢急矣用中 則獨善其身

始進也一君子進則衆君子隨之矣盖任事非一陽之

易用

淡之四車全書 一 力類進必一陽之倡猶之拔一茅而眾根起故征則吉

賢罔攸棄也包又嫌于有私故朋亡法行近貴恩割至 弗惟反也包又嫌于弗察故不退遗細微之事側随 包地無不覆情也然包嫌于無斷故用馬河令出惟 君子亦雜也不惟小人議論煩而君子之建白亦煩 身也其道何如盖當泰之世民物滋豐不惟小人雜而 無所疑矣九二剛中而有柔中之應是天下之責在 也寬嚴相濟明公並行中道也如是則得尚于六五 分别太過物無所容故包荒牢籠而併受之若天之 行

義有福者絕邪正釁龔之意此處小人之善道也 恤 次之四事全書 一列 如是則于于而食彼此有福矣于食者有委蛇寬綽之 激凶禍之所生也以誠孚之及其未盛猶可使之順 將極故時平必陂陰往必復君子將消小人將長矣將 中行之君矣泰其有賴哉九三刚正居下卦之上泰亨 何勿用憂恤也其惟孚之乎盖憂恤則相持相持則 何以處之乎必難以操心貞以幹事則无咎矣難貞者 6) 其字句于食句有福 - 易用 匌 三士五 耳

帝乙歸妹以祉夫家虚已任人以祉天下其元吉可 用碼河不遐遺朋亡皆包荒中之事其綱一其目三 上六春極而否是城復于隍不可用衆惟以告命自己 五柔中應二去其尊貴以任賢臣有帝乙歸妹之象夫 翩而來心不自富率其二陰以順君子不戒以字也 子勢既極則無可為矣六四柔而得正下應初九故 泰上三爻皆坤體應乎治泰者也勢未極則願孚于君 正亦吝時之所為也 不富向以其隣帶下

何益乎 欠と日東とき 初草茅之士在下有如象互名河象乾知險而行馬象 也陰文虚而不富陽文富而失實失實猶遠實不得依 陽也故孚出其中心五中以行願同命亂故否告自己 下向也卦互歸妹故曰歸妹二言尚五言歸義主上下 三互震動光毀故有陂復名為口有食象翩翩者飛而 明故云際交際也三當乾坤二體之間陰陽消長之際 日包荒得尚于中行以其心之光明正大也乾本大本! 易用 三十六

守故曰君子貞貞屬之君子餘皆風靡可知矣 利天下之不利也故口不利獨君子當此時能貞固自 否 邑壤允隍象包荒翟云荒虚也虞翻曰有水稱池无水 小人之道于六二得之 否閉塞也是時用事于內皆非其人故曰匪人小人之 稱隍愚謂讀泰得相天下之道于九二得之讀否得處

之交坤為土在卦上為城坤為衆為邑轉為否則衆散

欠て日本とは 也二則有位之臣與權貴小人共事矣不姑為容順 術矣否下三爻皆處小人者也故于初六戒其貞夫陰 然位有不可去勢有不能去義有不忍去不得不求其 者也曲而成之權道也達節者也且可去而去誰樂不 之始進俗染猶未深良心猶未喪故曰貞則吉亨其之 夫時有春夏必有秋冬世有君子必有小人顧處之何 如耳當泰之世處之猶易否之世處之為難然委而去 之猶非難曲而成之最為難盖委而去之經道也守節 易用

者也九四時已過中否將消泰將長天命之矣然天命 幸而濟天之命不幸而不濟終身處矣上三爻皆亨否 恥併集厥心是包羞以待時不得已也詞不言古凶孟 人之勢益盛矣欲退邪則不能欲進正則不得物恥國 尋常立節者所能大人之事也於此而斡旋轉移之豈 足道而我與有責矣故包承小人耦俱无猜吉道也非 激而生變豈惟一身之災将天下國家之禍也小人不 一身之利實天下國家之福也故否亨六三之時小

金グローノニー

人之口日本 察于苞桑不固之甚乎如此則邦其永孚于休矣上九 命者何使天下英賢布列內外則傳類皆離于社而小 命有如盡有子之有天命實為我有也如此則无咎有 剛而在上否極已通故傾否傾者盡之也此常情之所 患而聖人有兢業之心心口相語曰其亡乎其亡乎其 人自退矣九五處尊履正能休當世之否者也休者安 也否則不安否去則安大人之事也然天下有不虞之 不有反受其各故必乘機遺會以挽回斯世乃謂之有 易用

金公四屋有書 泰言內健外順否言內柔外剛若在一人則君子之德 鳥獸之羣而亂之則鳥飛獸走矣惟不亂故能黙移之 全泰矣夫四廣薦賢也五危操心也上先憂後樂也聖 喜智者之所憂故必先以否為念後以喜為心則否而 私家矣 小人之情也志在君釋貞字之義蓋志在君則不在于 人之情見矣 不亂羣謂入小人之羣而不亂之大人之妙用也如

|次定四車全書 | 當也與三不當相應否終則傾重則字謂否幸極即思 當調不當權也安得不含垢隱忍以俟機會乎焦弱候 若云已不為小人所亂一君子能之矣何待大人位不 生總之非固如朽索六馬之義與泰山磐石遠矣傾者 為命異為木故曰直桑桑柔木也直或曰苞芽或曰叢 或曰坤本嗇為偷德三陽在外為辟難坤邑為禄互吳 傾之矣何可斯須延乎速之也非歸于時也 日此聖人亮之之詞志行也與初在君之志相應位正 · 易 · 用

同人同乎人也為卦乾上離下天火性同同人之象也 多助則無行而不得故亨涉險可也然不可以茍同必 其跡以此始亦以此終斯得亨而利涉故不徒曰貞而 以君子之正道道義是合而非名利之交以其心不 夫與人異者寡助寡助則室礙而不通與人同者多助 榮以禄之榮虞翻作營 倒也否者泰之倒體否極則倒而成泰矣 一同人

宗五也二應五惟同於五五外則否故各各者醫而 ·義矣同人之道貴專不貴泛宗亦可宗也之宗六二之 悔傳日出門同人所以廣之曰志未得所以通之又 郊郊者國門之外其同亦寡矣然猶愈于濫交也故无 其同寡矣然以其居下未有與也故无咎上九同人于 同人之道貴廣不貴狹初九同人于門門者一家之門 曰君子之貞辨之嚴矣

大小田田大山地

易用

1

出執而不變之謂坤道也臣道也妻道也傳曰同人于

故吉傳曰安行謂終不可行絕三也曰義弗克曰反則 悔悔而遷善君子或與之同即不得同己亦不失道矣 改過故乗其墉機心也弗克攻悔心也震无各者存乎 非正應安得同乎故曰三歲不與九四以剛居柔猶能 皆欲強與之同也強與人同則其心有不可測者矣九 貴明不貴暗明則合公暗則懷私二為同人之主三四 宗各是乃道也即君子貞之道也道也為白同人之道 三重剛不中故伏戎于莽奸心也升其高陵猛心也終

金分四月有電

次で日事をむり 咷 良必多讒邪不能使之間疑似不能使之垂故曰先號 合九五六二正應也君剛臣柔而俱中正寬猛無濟明 亦 進 此故曰大師克相遇周成漢的之識周公霍光是矣 而後笑此非柔暗之夫所能為必至剛至明者乃克 日以中直言以正合曰言相克非彼此克去私意不 可也盖求同于跡始比而終離求同于心先限而後 四也同人之道貴心不貴跡心同跡同可也跡 易川 甲二 不 同

首慈明日乾合于離相與同居故曰同人楊廷秀日既 曰同人又曰類辨同其不得不同異其不得不異所 九四是也 足以通天下之志志正者通之不正者終亦能通之如 邪而以中正應之君子正也故曰利君子貞君子之 涉川王輔嗣曰行健不以武而以文明用之相應不以 道故曰同人于野亨一陰而五陽應之以乾而行故 同人于野亨帶上讀意謂中正應敢同人之道即亨之 金グロルム 正

A WORLD WIFE 為高象升高二離中虚外周象垣故九三為六二之情 大有所有者大也為卦離上乾下火在天上無所不照 **爻在三乾為歲或曰自三至五為三歲** 六二以陰居陰太陰水象故取大川以初為門象隨節 為同之大所以為利君子 先號吼者互異其究為躁呉幼清以號咷為離火之聲 初皆曰門互兵為伏離為戈兵異又為草木兵為股 易用 四十

莽之臣也何咎之有 自放亦不可好而自售惟兢業進修有補風教是亦草 大有之世有交則上進無交則道不行道不行非已之 德嘉美之道然後足以當之也故曰元曰亨 金岁四月月 大有之世人臣皆思自效以應聖主九二為天子任事 但處最下於時無交非行道之利故曰害然不可頹而 遇因而失道則非人之咎也初九剛而得正才德之士 大有之象人當此時盛大豐隆之世也故必有大善之

以載致遠不危盖凛然不敢遜其事以為皆臣職之事 皆聖主之盛也臣而若是豈有咎乎 大きり 日本という 賦不能有其誠也九四為天子左右之臣有剛而能柔 土作貢恭獻之王朝盖關然不敢有其有以為皆一人 也故曰无各九三為天子屏翰之臣而有剛正之德任 之有也豈小人之所能乎亨者誠之至小人非不致貢 之臣而有剛中之德遺大投艱皆足以勝任猶之大車 之德嘉謀嘉献胥讓之厥后盖欲然不敢有其盛以為 易用

驕滿之時今初與二任三用亨四匪彭五交孚君臣 夫天在上鑒在下他之威福之隆必然之理也大有實 治永保也故曰厥孚交如威如吉 虚已推心以置摩臣之腹中又以誠而下交元首股肱 固結不解如是則不嚴而尊不怒而畏矣無疆惟休 不利此天為五也為天下也聖人借大有之極而發其 下皆有而不有矣天寧不降之福乎故自天祐之吉无 任事三貢獻四退讓皆以誠而上交矣六五處尊

金とせてんろう

大有柔在五日得尊位大中而上下應之此君臣之 大中者五之中也同人柔在二曰得位得中而應乎乾 大とり事とはう 之方泰之各是也惟大有君臣有而不有以謙下為德 傳曰大有初九盖傷之也在他卦之極極則必變如乾 是也惟大有行道之世以上下交為利故以不交為害 也在他卦之初無交循為未害如履之素如節之不出 意義關全卦非專為上言也 故以受益為福傳曰大有上吉盖慶之也大有言時初 易内 辨

中乃可不敗做其量力也小人害也謂小人不惟不克 私有亨象彭音旁子夏作旁于云彭亨騙滿貌王肅 乾為大車九剛足以行三居下卦之上有公象剛而 于威如此皆文外之意可以深味 志謂臣之盡力實上之誠發其志也易則無備故有待 也本其匪彭之故由於明哲能明上下之義也信以發 亨 當大有而居下上將擁主以自強反為害矣明辨 上言位兩舉時位憂樂之情見矣積中不敗謂積載酌

開課 強盛之義離有明象 北也詩出車篇出車彭彭然民篇四壮彭彭皆取人馬

謙者欽然不自盈也為卦艮下坤上以山之高而在地

有初易克終難天下固有禮謙而情不謙言謙而意不 遜甲者使居已上也有謙之象夫謙美德何所不通然 下是貶抑其高甘處物下也以地之里而在山上是推

謙有求謙而既得則不謙若此者皆作偽必不能終其

欠足四年在時

易用

四十五

各凶咎皆不及矣大哉謙乎保禄位全身名特其餘事 進德三四居業五上致治戡亂胥以謙也下三爻皆吉 謙者若無若虚君子所以進徳居業致治戡亂也初二 惟艮之堅固坤之厚順乃能終之意亦近矣 謙也惟君子乎君子合內外心跡盈虚得喪而一於誰 上三爻皆利雖初二无應三四上不中五初失位而悔 故誦必有然有終身之謙則有終身之事矣鄭康成曰 万とこう 大七日日 上日 **算業有聞矣猶歉然以為孤寡也不穀也其得人和可** 為不德也未信也其進修可知正而吉矣上六東順處 是也用之涉大川且吉他無論矣鳴謙者聲著而謙也 良之主五陰附之是有勲勞也剛而得正抑在坤下是 堅白鳴是其義也六二居中履正德有開矣猶歉然以 知故利用行師小而征邑大而征國无不利矣九三為 凡鳴必有聲爲獸之鳴皆有聲左傳先二子鳴莊子以 初六以陰處下故謙謙已謙矣歉以為未誦惟君子有 易用

義與麾同書右東白旄以麾是也使之進也茍該明日 身後三此草后德讓之風也非威世景象乎為古注曰 六四體录居正在順之下大臣而謙者也動罔不利矣 勞而讓者也夫謙不易勞謙尤不易惟君子能終之則 不惟不思且讓功矣三勞而謙必敬乎四四乃推數以 以位先勞臣意不自滿又搞九三之謙欲使居已之前 日厚之至也 福履永綏矣盖人以為勞君子不自知其勞也故擊傳 巷 とうしついといかり 議之為德尊而且光自甲而實不可瑜是即君子之終 之至也故侵伐无不利矣 書曰臣哉鄰哉臣民之謂也夫不富而能用其鄰得人 六五居尊處順虚中挹損不富者也不富而能用其鄰 使上居五故曰捣謙愚謂尚言近是但搞三使居已前 盈謙之反也傳以天地神人而發揮之見謙之必亨耳 不必居五可也 捣猜舉也四得位處正東性為謙故无不利陰欲捣三 易用

金万四月百十 善微勞則盈之若見以為天下無踰也人有豐功盛德 所稱量以待已之心太多待人之心太寡也故已有小 馬夫人已感應必有所施施之不平以無所稱量也無 則抑之若見以為不足録也由是已日髙人日早長 地中有山以早蘊髙謙之象也君子觀象則有謙之學 偽傳簽謙之益覺世之意均矣 也家之終謂終其謙傳之終謂終不可及也象防謙之 肆恒必由之今為誰非他不過衰多益寡以抑人之

次包事合等一 **甲以自牧牧養也與虚以受人之意同** 意矣故裒多益寡孔子訓謙之妙義也不得不極言之 山之玉江漢之珠而爱已之倉壁小璣亦善言多寡之 是矣呂氏春秋云人不愛倭之指而愛已之指不愛崑 裒鄭首作桴云取也字書作拾廣雅云捂减也减之義 尊人實非甲已實非尊人惟物我一視等之無心而已 與此謙之道也故謙恭君子以迹視之若見其甲已而 心抑已則盈己之心盈人是之謂權衡夫物而平其施 易用 四十八一

弱侯日上居位已極其自視做然故曰志未得也得上 人之詞有褒無貶儒者多以邑泥之謂為私邑然則商 堯舜循病是也使其侈然得志欲謙能乎上六一文 聖! 六之情矣愚謂志未得也一句最善發謙者之心所謂 居萬為得志上六以居髙為未得志此善之所起也焦 位有位之分也有位何以志未得乎楊廷秀曰衆人以 中心得也謂二聲著而謙盖由中達外非矯飾也部 心德豈聲音笑貌為少上曰志未得者正中心謙也無

欠己日年と時 所服者寡矣故雖其邑國而猶叛之吳幼清曰上六 謙者也特以其配之勞謙而強應馬貌謙而實不至 也六二自得于心而上六志未得也以其所居非安于 謙之極過讓則取侮豈所宜哉蘇子膽曰其為鳴謙 武自治其私朱義云陰柔無位才力不足故其志未得 邑最異四方之極亦私邑乎程傳云源既過極宜於 君位故利以征人上無人故可以自征俞玉吾曰上居 而至於行師然亦適足以治其私邑而已項平前日五 易用 四十九 則 剛

或問 在之而可愚以為諸就皆非也 程傳曰君道不可專尚諫柔必須威武相濟是謙自 碩膚而四國是皇且謙不自足其功徳之名 日惟謙徳可以行 之大權勢之重不得已而然故曰志未得也其於六 志常欲自伸而不肯下人其鳴謙于九三也畏其勲勞 君盖如邑國之臣自為等高而不入王朝故五用 謙讓之與征伐異道也五言侵伐上言行師 師故大禹弗科而徂 征 有苗周公 非肌散 何 孫 也 五 師

金グロルターで

火七四重を計一 養也謙何事夫養曰盈日鋤日不除謙日養日不長 衰多益寡稱物平施象山與地平謙之下稱謙謙互坎 謙丹曰盈患過議不患過至柔議也至下養夫無也收 楊廷秀曰初六以至柔處至下謙之謙也謙之謙其過 有大川界互震為善鳴二居震下上居震上故俱曰鳴 行師自行師也失謙之古矣 艮為手陽實陰虚五陰為不富鄰指四上 坎體為勞羣陰歸之為萬民服坤亦有萬義為手搖也 易用 五十

者大臣屈己而讓功臣之則也 萬民服者非服其勞也服其勞而謙議而終也不違則 易用卷 者尊崇他人以居已上而已亦光顯里 而人亦不可踰越之此君子之所以有